

Apòkrifë - 47

Slédny rôz jem bét?
Nie pamiãtóm
Jakòs tak wiedno pò kòmónie
A wcyg przed namaszczeniem
Jaczé cãżczé grzéché?
Pòkòżë spisënk
To jo, to nié. To chãtno a czãsto
Tegò jesz nie próbòwòł...
Strzédny wòdżi przespròwczì?
Gòdóm pò kaszëbskù
Mòłò sztròfa. Trzë pãktë
Letczé zlé ùczinczi?
Nie pamiãtóm
A, rôz mie zupa nie szmaka..
Pòdrëchùj. Biòj dali
Żałujã? Kliknij "jo"
Nie mdã ju wicy?
Znowù "jo"
Płacysz? Blikã
Trzësta. Zniżka mdze za fif
W krzizu mie łómie
Dwasta dzewiãcdzesãt...

Witómë w serwisu "Wëpòsãdzenié"
W jinternetowi pluderkasce
Òdpòwiadòj szczero a płacë szczëro
Më Ce wëspòwiòdómë...

Tómk Fópka, Chwaszczëno, 30 gòdnika 2023 rokù, gòdz. 9.19 d.p.